

Jangan terperangkap definisi Barat mengenai keluarga

Oleh
P. BALA KUMAR

KUALA LUMPUR 12 Ogos — Datuk Seri Dr. Mahathir Mohamad mengingatkan masyarakat Malaysia supaya tidak terperangkap dengan definisi Barat mengenai keluarga, yang mengepulkan nilai-nilai adab dan moral.

Perdana Menteri berkata, di Barat pasangan lelaki dengan lelaki yang hidup bersama (*homoseksual*) atau pasangan perempuan dengan perempuan (*lesbian*) pun dianggap sebagai keluarga.

"Mereka (Barat) sering ber-

tukar-tukar pasangan mengikut nafsu yang akhirnya menjadikan anak-anak mereka tidak mengenal bapa ataupun ibu," kata beliau.

Dr. Mahathir berkata demikian ketika berucap pada majlis tayangan perdana filem *Jeritan Batinku* dan pelancaran *Majalah Kasih* untuk Tabung Amanah Rumahku Syurgaku di Pusat Dagangan Dunia Putra (PWTC) di sini malam ini.

Turut hadir ialah Timbalan Menteri di Jabatan Perdana Menteri, Datuk Dr. Abdul Hamid Othman dan Ketua Hakim Negara, Tun Hamid Omar.

■ Lihat muka 2

Jangan terperangkap definisi Barat mengenai keluarga

Di Barat, kata Dr. Mahathir, ada kalanya adik dan abang berkahwin kerana mereka tidak mengenal ibu bapa.

Katanya, institusi keluarga harus dipertahankan bagi memastikan ahli-ahli keluarganya hidup dalam satu suasana yang sempurna.

Menurut beliau, anggota-anggota keluarga harus memelihara tanggungjawab mereka di samping memberi penekanan kepada aspek-aspek kasih

sayang bagi membangunkan masyarakat yang beradab.

Katanya, ibu bapa harus memelihara sikap keprihatinan dan kasih sayang dalam keluarga.

"Jika di rumah, kita mendapat didikan dan semangat kasih sayang ini, masyarakat pun akan dipenuhi oleh manusia yang tahu kasih sayang antara satu sama lain," tambahnya.

Perdana Menteri memberitahu, jika perkara-perkara itu dapat dilaku-

kan, sudah tentu kes penganiayaan seperti penderaan terhadap kanak-kanak seperti Mohd. Afiq Yusof tidak akan berlaku dalam masyarakat.

"Jika semua ini dapat dilakukan, keluarga akan benar-benar menjadi syurga untuk hidup," ujar beliau.

Mengenai filem *Jeritan Batinku*, beliau berharap ia akan dapat mempertingkatkan kesedaran masyarakat terhadap pentingnya hidup berkeluarga.